



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Traffic**

Broj: 01-05-1210-2/19 KM  
Sarajevo, 25.02.2019. god.

## **SKUPŠTINA KANTONA SARAJEVO SARAJEVO**

### **PREDMET: Odgovor na „Zastupničko pitanje“**

U prilogu dopisa dostavljamo Vam odgovor na postavljeno zastupničko pitanje na 4. Radnoj sjednici Skupštine Kantona Sarajevo održanoj dana 30.01.2019. godine, a od strane zastupnika Seada Milavica.

#### **Pitanje:**

„Da li ste upoznati sa problemom prijevoza djece školskog uzrasta na području Općine Hadžići, Mjesna zajednica Mokrine i Mjesna zajednica Drozgotetva, te da li su u planu aktivnosti na rješavanju ovog problema?“

#### **OBRAZLOŽENJE:**

Šezdesetoro djece iz Mjesnih zajednica Mokrine i Drozgotetva, Općina Hadžići svakodnevno pješači od kuće do škole šest do devet kilometara. Radi se o putu koji je dobrim dijelom neosvjetljen a često se zna desiti da djecu napadnu psi lutalice.

Gorući problem pomenutih Mjesnih zajednica, je prijevoz djece do škole, zato što se osnovci i srednjoškolci školuju u Hadžićima. Iz Hadžića postoji minibuska linija koju po registraciji obavlja KJKP GRAS. Međutim ta linija često nije u funkciji.“

#### **Odgovor :**

Ministarstvo saobraćaja je zaprimilo dopise koji ukazuju na probleme održavanja javnog linijskog prijevoza na linijama broj 30 Ilidža – Hadžići - Drozgotetva i broj 70 Hadžići -Mokrine koji se iskazuju u nepoštivanju reda vožnje tj. neodržavanje pojedinih polazaka.

Ministarstvo će pokrenuti dodatne aktivnosti prema prijevozniku KJKP „GRAS“ d.o.o. Sarajevo da poveća kvalitet realizacije reda vožnje, a naročito u pogledu: ravnomjernosti, tačnosti i pouzdanosti reda vožnje. Takođe, zatražiti će se od prijevoznika KJKP „GRAS“ d.o.o. Sarajevo da provede mjere za dodatnu kontrolu realizacije registrovanog „Reda vožnje“ na linijama broj 30 Ilidža – Hadžići - Drozgotetva i broj 76 Hadžići -Mokrine, te utvrditi odgovornost svih nadležnih i odgovornih lica, kao i sankcionisanje eventualno učinjenih propusta, a sve u cilju



povećanja zadovoljenja korisnika, u pogledu dužine čekanja na stanici, informiranosti korisnika o redu vožnje, izvršenja putovanja i smanjenja neudobnosti zbog preopterećenosti vozila.

Pokrenuti će se aktivnosti sa Općinom Hadžići za eventualnu modifikacije mreže linija u skladu sa "Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo" ("Sl. novine Kantona Sarajevo" broj: 28/09), u smislu eventualnog usklađivanja pojedinih polazaka u registrovanim redovima vožnje sa potrebama učenika sa područja koja gravitiraju naseljima Drozgometva i Mokrine.

Pored toga, Ministarstvo saobraćaja će pokrenuti i druge aktivnosti u skladu sa zakonskim i pod zakonskim propisima, a sve u saradnji sa Upravom za inspeksijske poslove.

S poštovanjem,

Dostaviti:

- Skupština Kantona Sarajevo
- evidencija
- arhiva

MINISTAR

Adnan Šteta

Predmet obradio: Muamer Kukan



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

